

Koboma Buku na Nzambe - Death Scriptures

Baroma 6:23 Mpo ete lifuti na masumu ezali kokufa, kasi likabo oyo Nzambe apesi mpamba ezali bomoi ya seko kati na lisanga elongo na Yesu Kristo Mokonzi na biso.

Baroma 8:2 Mpamba te, mobeko na Molimo oyo epesaki ngai bomoi mpo na kosangana na Yesu Kristo, esili kofungola ngai na mobeko na masumu mpe na kokufa.

2 Timoteo 1:10 Kasi ye amonisaki ngolu yango sik'oyo mpo na kobima na Yesu Kristo Mobikisi na biso, mpo Yesu Kristo asili kosilisa guya na kokufa, mpe kati na Nsango Malamu, ye amonisaki bomoi ya seko.

Osea 13:14 Bongo ngai Nkolo nasengeli kobikisa batu wana mpo bakufa te; nakobatela bango na maboko ya liwa. Liwa, bimisa bibuneli na yo! Liwa, lakisa bokasi na yo ya koboma! Nazali koyoka lisusu mawa te.

Njembo 9:14 Nkolo, tala ndenge banguna bazali koyokisa ngai mpasi; yo nde obatelaka ngai na liwa, yokela ngai mawa.

Yobo 6:26 Bozali kosungola ngai mpo na makambo oyo nauti koloba? Nzokande nalobaki yango bobele mpo elikia na ngai esilaki.

Yobo 33:22 Akumi pene ya liwa, bomoi na ye ekumi penepene ya kosuka.

Ezekiele 37:12,13 Yango wana sakola mpe loba na bango ete Nkolo Nzambe alobi: Batu na ngai, nakofungola malita na bino; mpe nakobimisa bino kuna, mpe nakozongisa bino na mabele ya Israele. 13 Batu na ngai, bokoyeba ete ngai nazali Nkolo, ntango nakofungola malita na bino mpe nakobimisa bino kuna.

Matayo 27:52 Malita efungolamaki, batu mingi na Nzambe oyo bakufaki, basekwaki.

Ebandeli 2:7 Boye Nkolo Nzambe akamataki putulu ya mabele, asalaki na yango motu. Apemaki pema ya bomoi na zolo na ye, mpe motu akumaki motu na bomoi.

Ebandeli 6:17 Mpamba te nakotondisa mai na mokili mpo na kosilisa biloko nyoso oyo ezali na bomoi. Biloko nyoso oyo ezali na mokili ekokuifa.

Ebandeli 7:15,22 Boye ndenge nyoso ya banyama oyo bazali na bomoi, bakotaki mibale-mibale na bwato epai ya Noa. 22 Biloko nyoso oyo ezalaki na pema ya bomoi na zolo na bango bakufaki.

Yobo 12:10 Ye nde asimbi bomoi ya bijalisi nyoso mpe pema ya batu nyoso.

Yobo 33:4 Najalisamaki na molimo ya Nzambe; pema na ye nde epesaki ngai bomoi.

Misala Bantoma 17:25 Ye azali na bosenga na batu mpo na kosalela ye soki moke te mpo na kopesa ye ata ezali eloko nini, mpo ye nde apesaka epai na batu nyoso bomoi, pema mpe biloko nyoso.

Emoniseli 13:15 Nyama na mibale azwaki guya na kopesa bomoi na elilingi na nyama na liboso boye elilingi yango ekoki kosolola mpe ekoki koboma

batu nyoso na kosambela ye te.

**Yoane 10:10 Moyibi ayaka bobele mpo na koyiba, koboma mpe kobevisa.
Ngai nakumaki mpo ete batu bazala na bomoi, mpe bazala na yango na
kotonda mpenza."**

Isaya 28:15,18 Bozali koloba: "Tosili koyokana na liwa, tosali kondimana na mboka ya batu bakufi. Ntango mpasi ekoya, ekozwa biso te, mpamba te lokuta ezali esika ya kobombana na biso mpe kokosa ezali kobatela biso." 18 Kondimana oyo bosali elongo na liwa mpe na mboka ya batu bakufi, ekobeba. Ntango bampasi ekoya, ekonyata bino.

Isaya 5:24 Lokola moto etumbaka soli mpe matiti ya kokaoka, bobele bongo misisa na bango ekopola mpe baflere na bango ekopumbwa lokola putulu. mpamba te babwaki mitindo ya Nkolo ya nguya nyoso, bamoni maloba ya Mosantu ya Israele mpamba.

Yoele 1:12 Bilanga ya vino ekaoki, oyo ya figi ebebi. Banzete nyoso ya bambuma ya grenade, ya mbila, mpe ya pome esili kokaoka; esengo nyoso esili na kati ya batu.

Osea 13:15 Ata Efraima azali kobota mbuma kati ya bandeko na ye; kasi banguna bakoyeela ye lokola mopepe oyo eutaka na esobe, mpe ekaokisaka bisika nyoso mai ebimaka na mabele. Ezali Nkolo nde akotinda bango. Bakomema mosolo na ye, bakozwa biloko nyoso ya talo."

Emoniseli 22:1 Anzelu atalisaki ngai mpe ebale na mai ya bomoi, kongenga lokola kristale, oyo ezalaki kobima na kiti na Nzambe mpe na Mwana-Mpate,

Yoane 4:10 Yesu ayanolaki ye: "Soki oyebaki likabo Nzambe apesaka, mpe soki oyebaki motu na kosenga mai na komela epai na yo azali nani, mbele okokaki kosenga ye, mbele ye asili kopesa yo mai na bomoi."

Yoane 4:14 Kasi motu na komela mai oyo nakopesa ye, akoyoka mposa na mai lisusu te. Kasi mai oyo nakopesa ye ekobongwana na libumu na ye etele na mai na kotambola na kopesa bomoi na seko."

Maloba Mayele 13:14 Mateya ya motu ya mayele epesaka bomoi, yango elongolisaka motu na miteko ya liwa.

Maloba Mayele 14:27 Kotosa Nkolo epesaka bomoi, yango nde ebikisaka batu na miteko ya liwa.

Ezekiele 13:17-23 Nkolo alobi na ngai boye: "Bongo yo, Mwana ya Motu, tala bana basi ya ekolo na yo oyo bazali kosakola ndenge motema na bango elingi, sakola na ntina na bango. 18 Lobela bango ete ngai Nkolo Nzambe nalobi boye: "Mawa na basi oyo basinaka biteni ya bilamba ya kokanga na maboko mpe matambala ya minene ndenge na ndenge, mpo na kokanga bomoi ya batu. Bolingi kozwa bomoi ya batu ya ekolo na ngai, mpe kobatela oyo ya bino moko? 19 Bozali koyokisa ngai nsoni na miso ya batu na ngai. Mpo na kozwa mwa mbuma ya orje mpe mwa ndambo ya

mapa, bozali kokosa batu na ngai ya mutu makasi, bozali koboma batu oyo basengeli kokufa te, nzokande baoyo basengeli kokufa bazali kobika na makambo na bino. 20 "Yango wana Nkolo Nzambe alobi boye: Naboyi biteni ya bilamba na bino oyo bokangaka na yango bomoi ya batu. Nakolongola yango na maboko na bino mpe nakopasola yango, boye nakobikisa batu oyo bino bokangaki. 21 Nakopasola matambala na bino, mpe nakolongola batu na ngai na maboko na bino. Bokokoka kokanga bango lisusu te; boye bokoyeba ete ngai nazali Nkolo. 22 "Na lokuta na bino, bozali kobangisa batu ya bosembo oyo nalingaki komonisa bango mpasi te. Nzokande bozali koyikisa batu mabe mpiko; boye bakoki kotika bizaleli na bango ya mabe te mpe kobika. 23 Mpo na yango, bokozala lisusu komona bimoniseli ya mpamba te, mpe bokozala koloba te ete makambo boye to boye ekoya. Nakolongola batu na ngai na maboko na bino. Bongo bokoyeba ete nazali Nkolo."

Yeremia 21:8 Okoyebisa na ekolo oyo boye: Nkolo alobi: "Tala, nasili kotia liboso na bino nzela ya bomoi mpe nzela ya kufa.

Yobo 34:22 Esika moko ya molili ezali te oyo batu ya mabe bakoki kobombama na yango.

Njembo 16:10 mpamba te okotika ngai te na esika ya batu bakufi; okolina te ete ngai motu na yo napola.

Njembo 23:4 Ata nazali kotambola na libulu na molili ya kufa, nakoki kobanga eloko moko te. Mpamba te yo ozali elongo na ngai; nzete na yo mpe lingenda na yo ezali kosalisa ngai.

Njembo 30:4 Nkolo, Nzambe na ngai, nalelaki epai na yo mpe obikisaki ngai.

Njembo 49:16 Kasi Nzambe akobikisa ngai na liwa; ya solo, akozwa ngai.

Njembo 56:14 Mpamba te olongoli ngai na liwa, obateli ngai nakweya te; mpo natambola na miso na yo kati na mwinda ya bomoi,

Njembo 68:21 Nzambe na biso azali Nzambe oyo abikisaka; bobele Nkolo nde akoki kolongola biso na liwa.

Njembo 89:49 Motu nani akoki kotikala seko na mokili? nani akoki kokima liwa?

Njembo 102:20,21 Uta na ndako na ye ya bosantu, kuna na lora, Nkolo agunzami mpo na kotala mokili. 21 Azali koyoka kolela ya batu ya boloko, akobimisa baoyo bakangami na molili ya kufa.

Njembo 116:8 Ya solo, Nkolo, olongoli ngai na liwa; okaokisi mai na miso na ngai, obateli ngai mpo nakweya te.

Maloba Mayele 10:2 Mosolo oyo bazwaka na nzela ya mabe esalisaka ata moke te; kasi bosembo ebatelaka motu na liwa.

Isaya 26:19 Nkolo, batu na yo oyo bakufi bakosekwa, bibembe ya bandeko na ngai ekozonga na bomoi. Batu oyo bolali na mabele bolamuka, mpe boyemba na esengo; mpamba te mai na yo oyo ezalaka na matiti na

ntongo ezali mai ya kongenga, mpe mabele ekobimisa batu oyo bakufi.

Yoane 5:28,29 Bokamwa te, mpo ntango ezali koya, ntango bakufi oyo bazali na lilita bakoyoka mongongo na Mwana ya Motu, 29 mpe bakobima na lilita na bango. Batu oyo basili kosala malamu, bakosekwa mpo na kozwa bomoi. Batu oyo basili kosala mabe, bakosekwa mpo na kozwa ngwanga."

Yoane 10:28 Napesi bango bomoi na seko, bakokufa soki moko te, mpe motu moko te akobotola bango na maboko na ngai.

Yoane 11:43,44 Nsimba na koloba maloba oyo, ye angangaki na mongongo makasi: "Lazaro, bima na libanda!" 44 Mokufi yango abimaki, makolo mpe maboko na ye ekangami na bilamba, mpe litambela ekangaki elongo na ye. Yesu alobaki na bango: "Bofungola ye, mpe bopesa ye nzela."

Yoane 12:17 Batu nyoso oyo bazalaki elongo na Yesu ntango ye asili kobenga Lazaro na kobima na lilita, mpe asekwisaki ye, basololaki likambo basili komona.

Yoane 17:2 Mpamba te yo osili kopesa na ngai nguya likolo na batu nyoso, mpo ete nayeba kopesa bomoi ya seko epai na batu nyoso yo osili kopesa na ngai.

Misala Bantoma 17:25 Ye azali na bosenga na batu mpo na kosalela ye soki moke te mpo na kopesa ye ata ezali eloko nini, mpo ye nde apesaka epai na batu nyoso bomoi, pema mpe biloko nyoso.

1 Bakorinto 15:19-26 Soki elikia na biso kati na Kristo ezali na litomba bobele mpo na bomoi oyo, tozali batu na mawa koleka batu nyoso. 20 Kasi, ya solo, Kristo asili kosekwa, ye azali mbuma na liboso kosekwa kati na bakufi na liboso na batu oyo basili kokufa, kotalisa solo batu oyo basili kokufa bakosekwa lokola. 21 Mpo bobele lokola kokufa ekumaki mpo na motu moko, bobele boye, kosekwa na kokufa ekumi mpo na motu moko. 22 Ndenge moko lokola batu nyoso bakufi mpo na lisanga na bango elongo na Adamu, bobele boye, batu nyoso bakobika lisusu mpo na lisanga na bango elongo na Kristo. 23 Kasi motu na motu azali na molongo na ye mpenza: Kristo azali motu na kosekwa na liboso na bango, nsima na oyo batu na Kristo na ntango ye akokuma. 24 Nsimba na oyo, nsuka ekokuma, Kristo akoboma bokonzi nyoso, na kokonza mpe nguya nyoso na milimo nyoso, mpe ye akozongisa Bokonzi na maboko na Nzambe Tata. 25 Mpo ekoki Kristo akonza kino ntango Nzambe akolonga banguna na ye nyoso, mpe akotia bango na nse na makolo na ye. 26 Monguna na nsuka oyo ye akoboma ezali kokufa.

2 Bakorinto 1:9,10 Tokanisaki ete mpasi na kokufa eponamaki mpo na biso, kasi esalemaki boye mpo ete toyeba ekoki te totia kondima na biso kati na biso mpenza, kasi totia kondima bobele kati na Nzambe oyo asekwisaka bakufi. 10 Ye nde abikisaki biso na liwa monene mpe azali kobikisa biso. Boye tozali na elikia oyo epai na ye ete ye akobikisa biso

Iisusu.

2 Bakorinto 3:6 Ye nde asili kotia biso kozala basali na kondimana ya sika, oyo ezali mpo na mobeko oyo ekomami te, kasi mpo na Molimo. Mobeko oyo ekomami epesaka kokufa, kasi Molimo apesaka bomoi.

Bakolosai 1:21,22 Bino lokola, na liboso bozalaki mosika na Nzambe, bozalaki banguna na ye mpo na mabe nyoso bozalaki kokanisa mpe kosala. 22 Kasi sik'oyo, mpo na kokufa oyo Mwana na ye azwaki na nzoto na ye, Nzambe azongisaki bino epai na ye mpo ete bomonana liboso na ye petwa, na bosoto te mpe na mabe te.

Baebere 2:9 Kasi tomoni Yesu oyo Nzambe atiaki na nse na baanzelu mpo na ntango moke, boye, mpo na ngolu na Nzambe, ye akoki kokufa mpo na batu nyoso. Tomoni sik'oyo ye asili kolata motole na nkembo mpe na lokumu mpo ye azwaki mpasi na kokufa.

Baebere 2:14,15 Mpo ete bana, lokola ye abengaki bango, bazali na nzoto mpe na makila, Yesu mpenza lokola akumaki lokola bango, mpe ye azwaki nzoto na batu. Ye asalaki likambo oyo, boye mpo na kokufa na ye, ye akoki koboma Satana oyo azali na nguya na kokufa, 15 mpe Yesu asalaki boye mpo ye akoki kobikisa batu oyo bazalaki baumbu ntango nyoso na bomoi na bango mpo na kobanga na kokufa.

Baebere 11:5 Mpo na kondima, Enoka akufaki te, kasi Nzambe akamataki ye, mpe motu moko te akutaki ye, mpo Nzambe akamataki ye epai na ye. Buku na Nzambe elobi ete liboso na Nzambe kokamata ye, ye asalaki likambo na kosepelisa Nzambe.

1 Petero 3:18 Boye, Kristo mpenza akufaki mpo na bino mbala moko, ye akufaki mpo na masumu, motu malamu kokufa mpo na batu mabe, mpo na kokamba bino epai na Nzambe, ye akufaki na nzoto na ye, kasi ye asekwaki mpo na Molimo Mosantu.

2 Petero 1:3 Nguya na Nzambe epesaki biso biloko nyoso oyo ekokani na biso mpo na kobika na kokangana na Nzambe mpo na koyebisa biso motu oyo abengaki biso na nkembo, mpe na boboto na ye.

1 Yoane 3:14 Toyebi ete tosili kobima kati na kokufa mpo na kokota na bomoi, toyebi oyo mpo tolingaka bandeko na biso. Motu na kolinga ndeko na ye te, azali naino kati na kokufa.

1 Yoane 5:11 Oyo ezali litatoli yango: Nzambe apesaki biso bomoi ya seko, bomoi oyo ezali kati na Mwana na ye.

Emoniseli 21:6 Mpe ye alobaki Iisusu: "Esili kokoka! Nazali Alfa mpe Omega. Nazali ebandeli mpe nazali nsuka. Motu azali na mposa na mai, nakomelisa ye mpamba na etoi na mai ya bomoi.